



## UGOVOR

### o javnoj nabavci usluga izrade prijedloga postupaka u rješavanju statusa javnog dobra

KJKP Sarajevogas d.o.o., Sarajevo, Ul. Trg Fadile Odžaković Žute 4, Sarajevo, BiH,  
Koga zastupa: V.D. Direktor Preduzeća Ibrahim Karahodžić, dipl.ing.maš., (u daljem tekstu: Naručilac),

i

«RE-Controlling d.o.o.», Ul. Branislava Nušića 7. 72000 Zenica, BiH,  
Koga zastupa: Direktorica Indira Viteškić, (u daljem tekstu: Izvršilac),

#### Član 1.

Predmet ugovora je usluga izrade prijedloga postupaka u rješavanju statusa javnog dobra. Svrha ovog ugovora je definisati uslove angažmana i obaveze Izvršioca usluga sa jedne strane te odgovornosti Naručioca s druge strane.

#### Član 2.

Ugovorna vrijednost usluga iz čl. 1. ovog ugovora bez PDV-a iznosi: **5.800,00 KM (slovima: pethiljadaosamstotina KM)**, a jedinična cijena je specificirana na Obrascu za cijenu ponude broj: **SP-OJ04-DS-05-100/20-01**, koja je u prilogu ovog ugovora i čini njegov sastavni dio.

Ova cijena podrazumijeva da će Naručilac pripremiti sve potrebne podloge u skladu s zahtjevima Izvršioca.

Naručilac će plaćanje izvršiti nakon prijema uredno ispostavljene poreski ispravne fakture na transakcijski račun Izvršioca u roku od **3 dana** od dana predaje prijedloga postupaka u rješavanju statusa javnog dobra.

#### Član 3.

Naručilac i Izvršilac mogu odustati od ugovora na osnovu međusobnog sporazuma kad nastupe okolnosti određene Zakonom o obaveznim odnosima. Sporazumom o raskidu ugovora regulisat će se međusobna potraživanja ugovorenih strana u trenutku raskida ugovora.

#### Član 4.

Izvršilac se obavezuje da će prijedlog postupaka u rješavanju statusa javnog dobra obaviti na način i u skladu sa zakonskim propisima.

#### Član 5.

Izvršilac se obavezuje da će u postupku izrade prijedloga postupaka u rješavanju statusa javnog dobra poštovati kodeks profesionalne etike, te poslove obaviti savjesno, pošteno i objektivno.

#### Član 6.

Sve informacije i savjete koje je Izvršilac dao Naručiocu, bilo u pisanoj ili usmenoj formi, isti neće proslijediti trećoj osobi bez prethodnog pismenog odobrenja Izvršioca.

#### Član 7.

Na zahtjev i po potrebi Izvršioca, Naručilac je dužan staviti na raspolaganje i uvid Izvršiocu sve potrebne izvještaje, isprave i druge informacije.



**Član 8.**

Ugovorne strane su saglasne da Izvršilac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 9.**

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

**Član 10.**

U slučaju bilo kakvog spora po ovom Ugovoru, strane su saglasne da se isti riješi sporazumom, a u slučaju nemogućnosti postizanja sporazumnog rješenja ugovara se nadležnost suda sa sjedištem u Sarajevu.

**Član 11.**

Ovaj ugovor je sastavljen u četiri jednaka primjerka od kojih 2 (dva) zadržava Naručilac, a 2 (dva) Izvršilac.

Eventualne izmjene i dopune ovog ugovora smatrat će se valjanim samo ako su sačinjene u pisanom obliku i priznate potpisom ugovornih strana.

Ugovorne strane bezuvjetno izjavljuju da ovaj ugovor sadržava i predstavlja njihovu stvarnu volju te ga kao takvog vlastoručno potpisuju.

Ovaj Ugovor stupa na snagu danom potpisa Ugovorenih strana.

**Za Izvršioca:**

Direktorica

Indira Viteškić

Broj ugovora

003-U/2020/KO  
04.12.2020



**Za Naručioca:**

V.D. Direktor Preduzeća

Ibrahim Karahodžić, dipl.ing.maš.

Broj ugovora

230/20  
04-12-2020

